

# قطع شدن برق باد از سیل

مالومات مربوط به قطع شدن برق باد از سیل

هزارگی | Hazaragi

OFFICIAL

شاید وصل کردن دوباره برق یک زره وقت بیگره. از مشورای زیر بلده وقتایی که برق قطع استه استفاده کید.

## مشورایی د مورد ایمن نگه داشتن مواد غذایی

- قطع شدن برق می تینه بله مواد غذایی شیم تاثیر کینه، د یاد شیم باشه که:
  - ✓ غذا را از یخچال به فریزر منتقل کید
  - ✓ مواد غذایی ره د زیر پوشه های یخ یا لحافای عایق بی لید تاجایی که امکان دیره یخ نگاه کید.
  - ✓ اگه غذای شیم هنوزم سرد استه (کمتر از 5 درجه سانتیگراد)، استفاده شی بی خطر استه
  - ✓ اگه غذای شیم ره دست ده ای دیگه سرد نیسته، می تنید تا 4 ساعت دیگه نگاه کیده یا بوخريد و ازوباد باید دور انداخته شونه یا دیگه پخته کیده خورده شونه
  - ✓ غذایی داغ ره د بین چار ساعت که گرم استه یا بوخريد، یا دور بیندزید
  - ✓ اگه تا وقتیکه غذایی یخ زده جامد استه برق پس بایه، پس ای غذا هنوزم مناسب استه که دوباره بین فریزر ایشته شونه.

## مشورایی د مورد استفاده از جنراتور برق

- جنراتورا معمولاً د زمان قطع شدن برق استفاده موشن. قبل از استفاده کیدو از ای مشورا استفاده کید:
  - ✓ یقین خوره ثابت کید که جنراتورای پترولوی یا دیزلی د یک جای خوب-عایق بندی شده بیرونی استفاده شونه بخاطریکه بغیر ازو ای باعث مسمومیت کاربن مونوکساید موشه که می تینه شیموره خیلی ناجور کنه.
  - ✓ جنراتورای قابل حمل یا بلده استفاده بیرونی د داخل خانه شیم استفاده نه موشه بخاطریکه می تینه باعث مسمومیت با مونوکسید کربن، شوک الکتریکی یا آتش سوزی شونه.
  - ✓ جنراتورای دائمی ره نصب کید بخاطریکه بلده مهیا کدون برق ذخیره مناسب استن.
  - ✓ جنراتور خوره د جای خشک نگهداری کید. شیمو باید پترول ره د بورو د یک جای محفوظ نگاه کنید
  - ✓ پیش از دست زدو د جنراتور دست خوره خشک کید
  - ✓ پیش ازیکه جنراتور ره روشن کنید چیک کید که تارای برق و دیگه سامانایی خراب نباشه
  - ✓ پیش ازیکه جنراتور ره دوباره تیل کنید خاموش کید و بی لید که یخ شونه. اگه پترول د جایایی داغ جنراتور تید شونه باعث آتش سوزی موشه

- ✓ از تار برق قوی بلده وصل کیدون وسایل برقی د جنراتور استفاده کید.
- ✓ کوشش نکید که تمام خانه ره قد وصل کدون جنراتور د ساکت برق خانه برقی بیدید.

## کمک بیگیرید

- بلده مالومات د باره استفاده بی خطر از گاز و برق سازمان ایمنی برق ویکتوریا ره د شماره 9203 9700 زنگ دید یا به [www.esv.vic.gov.au](http://www.esv.vic.gov.au) مراجعه کید
- بلده راپور ددون لیکگی گاز د شماره 132 771 زنگ دید.

بلده بدست اوردون ازی نشریه به یک شکل قابل دسترسی، د [pph.communications@health.vic.gov.au](mailto:pph.communications@health.vic.gov.au) ایمیل کید